



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXV. Monasteria aliqua pro studiis Generalibus Fratrum Ordinis S. Pauli
primi Eremitæ in Hungaria, Polonia, Austria, Croatia, & in Suevia, & in
Urbe Roma statuit, & deputat.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

processus à Nobis, aut Rom. Pont. pro tempore existente fiant, aut publicentur, durare, suosque effectus omnino sortiri.

§. 21. Ceterum à prædictis sententiis nullus per alium quam per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo cautione præstita, absolvi possit, etiam prætextu quarumvis facultatum, & indulgentiarum quibuscumque personis Ecclesiasticis, secularibus, & quorumvis Ordinum etiam Mendicantium, ac Militarium Regularibus, etiam Episcopalis, vel alia majori dignitate præditis, ipsisque Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & locis piis, nec non laicis, etiam Imperiali, Regali, & alia mundana excellentia fulgentibus, per Nos, & dictam Sedem, ac cuiusvis Concilii decreta, verbo, literis, aut alia quacumque scriptura in genere, vel in specie concessorum, & innovatorum, aut concedendorum, & innovandorum.

§. 22. Quod si forte aliqui contra tenorem præsentium talibus excommunicatione, & anathemate laqueatis, vel eorum alicui absolutionis beneficium impendere de facto præsumserint, eos excommunicationis sententia innodamus, gravius contra eos spiritualiter, & temporaliter, prout expedire noverimus processuri.

§. 23. Declarantes, ac protestantes quacumque absolutionem, etiam solemniter per Nos faciendam, prædictos excommunicatos sub præsentibus comprehensos, nisi prius à præmissis, cum vero proposito ulterius similia non committendi destiterint; Ac quoad eos, qui contra Ecclesiasticam libertatem, ut præfertur, statuta fecerint, nisi prius statuta, ordinationes, Constitutiones, pragmaticas, & decreta huiusmodi publicè revocaverint, & ex Archivis, seu capitularibus locis, aut libris in quibus annotata reperiuntur deleri, & cassari, ac Nos de revocatione huiusmodi certiores fecerint, eos non comprehendere, nec eis aliter suffragari, cum etiam per huiusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel Successorum nostrorum quocumque tempore continuatam in præmissis omnibus, & singulis, ac quibuscumque iuribus Sedis Apost. ac S. R. E. undecumque, & quodcumque quaesitis, vel querendis nullatenus præjudicari posse, aut debere.

§. 24. Non obstantibus privilegiis, indulgentiis, indultis, & literis Apostolicis generalibus, vel specialibus supradictis, vel eorum alicui, seu aliquibus aliis cuiuscumque Ordinis, status, vel conditionis, dignitatis, & præminentie fuerint, etiam si ut præmittitur Pontificali, Imperiali, Regali, seu quavis Ecclesiastica, & mundana præfulgeant dignitate: vel eorum Regnis, Provinciis, Civitatibus, seu locis à prædicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibusvis clausulis etiam derogatoriis derogatoriis concessis, etiam continentibus, quod excommunicari, anathematizari, vel interdicti non possint, per litteras Apostolicas non facientes plenam, & expressam, ac de verbo ad verbum de privilegiis, indulgentiis, & indultis huiusmodi, ac de ordinibus, locis, & nominibus propriis, cognominibus & dignitatibus eorum mentionem, nec non consuetudinibus etiam immemorabilibus, ac præscriptionibus quantumcumque longissimis, & aliis quibuslibet observantiis, scriptis, vel non scriptis, per quæ contra hos nostros processus, ac sententias quominus includantur in eis, se juvare valeant, vel tueri.

§. 25. Quæ omnia, quoad hoc, eorum omnium tenores, ac si ad verbum, nihil penitus omisso, infererentur, præsentibus pro expressis habentes,

penitus tollimus, & omnino revocamus, ceterisque contrariis quibuscumque.

§. 26. Ut vero præfentes nostri processus ad publicam omnium notitiam facilius deducantur, chartas, seu membranas processus ipsos continentes, valvis Ecclesiæ S. Jo. Lateranensis, & Basilicæ Principis Apostolorum de Urbe appendi faciemus, ut ii, quos processus huiusmodi concernunt, quod ad ipsos non pervenerint, aut quod ipsos ignoraverint, nullam possint excusationem prætere, aut ignorantiam allegare, cum non sit verisimile id remanere incognitum, quod tam patenter omnibus publicatur.

§. 27. Insuper, ut processus ipsi, & præfentes Litteræ, ac omnia, & singula in eis contenta eo fiant notiora, quo in perisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, & Prælatibus ubilibet constitutis, per hæc scripta committimus, & in virtute sanctæ obedientiæ districte præcipiendo mandamus, ut per se, vel alium, vel alios præfentes Litteras postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major populi multitudo ad divina convenierit, solemniter publicent, & ad Christifidelium mentes reducant, nuncient, & declarent.

§. 28. Ceterum Patriarchæ, Archiepiscopi, Episcopi, alique locorum Ordinarii, & Ecclesiarum Prælati, nec non Rectores, ceterique curam animarum exercentes, ac Presbyteri seculares, & quorumvis Ordinum Regulares ad audiendas peccatorum confessiones, quavis auctoritate deputati, transumptum præsentium Litterarum penes se habeant, easque diligenter legere, & percipere studeant.

§. 29. Volentes earumdem præsentium transumptis etiam impressis, Notarii publici manu subscriptis, & sigillo Judicis ordinarii Romanæ Curie, vel alterius personæ in dignitate Ecclesiastica constitutæ munitis eandem prorsus fidem in iudicio, & extra illud ubique locorum adhibendam fore, quæ ipsis præsentibus adhiberetur, si essent exhibitæ, vel ostensæ.

§. 30. Nulli ergo omnino hominum liceat hanc paginam nostre excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire. Si quis autem hoc attentare præsumserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Datum Romæ apud Sanctum Petrum, Anno Incarnationis Dominicæ millesimo sexcentesimo septuagesimo primo, septimo Kal. Aprilis, Pontificatus Nostri Anno Primo.

Die, mense, & anno, quibus supradicta Bulla affixa fuit ad valvas Basilicæ Apostolorum SS. Petri, & Pauli, S. Jo. Lateranen. S. Mariæ Majoris, & alia loca solita, & consueta Urbis per me Mattheum Bertarellum Sanctiss. D. N. Papæ Curf.

Pro D. Mag. Curf. Egidius Felicius Curf.

Monasteria aliqua pro studiis Generalibus Fratrum Ordinis S. Pauli primi Eremitæ in Hungaria, Polonia, Austria, Croatia, & in Suevia, & in Urbe Roma statuit, & deputat.

Privilegia hęc fratribus à Summis Pontificibus concessa habes supra in Constit. 51. In supremo. Alexand. VII.

Papæ absolutio non comprehendit eos qui à præmissis non destiterint.

Quicquid audium ceteri sessiones apud se habet litteras habeant.

Transumptorum fides.

Sanctio per nalis.

Dat. P. A. I. die 26. Mart.

XXXV.

Edita An. D.
1671.

CLEMENS PAPA X.

Ad perpetuam rei memoriam.

Exordium.

EX injuncto Nobis divinitus Pastoralis sollicitudinis munere, sacrarum bonarumque literarum studia, praesertim inter Christi fideles divinis obsequiis sub suavi Religionis jugo addictis opportunis rationibus fovemus, & promovemus, ac ut debitus virtuti honor rependatur, libenter providemus, sicut ad Omnipotentis Dei gloriam, Religionis decus, & incrementum, ac Catholicae fidei praesidium, & propagationem salubriter expedire in Domino arbitramur.

Petition.

§. 1. Cum itaque sicut dilectus filius Procurator Generalis Ordinis Fratrum Sancti Pauli Primi Eremitae, Nobis nuper exponi fecit, ut Sacrarum eiusque ancillarum bonarum literarum studia, in eodem Ordine, magis in futurum vigeant, & fratres ipsius Ordinis, congruis honorum praemiis, ad illa amplectenda, atque prosequenda alacriores, & ferventiores reddantur: ipse Procurator Generalis, opportunè à Nobis provideri, & ut infra indulgeri summo perè desideret.

Decernit, ut in Rub.

§. 2. Nos ejusdem Procuratoris Generalis votis, hac in re quantum cum Domino possumus, favorabiliter annuere volentes, cumque à quibusvis excommunicationis, suspensionis, & interdictionis, aliisque Ecclesiasticis sententiis, censuris, & poenis à jure, vel ab homine, quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, Supplicationibus ejus nomine Nobis super hoc humiliter porrectis inclinati, auctoritate Apostolica tenore praesentium statuimus, & ordinamus, ut deputentur pro studiis generalibus dicti Ordinis, in Hungaria; Monasteria Tallense, & Vyheliense; in Polonia Clari Montis Czestochovienae, & Cracoviense S. Stanislai: in Austria Neostadiense; in Croatia Lepoglavenae; in Suevia Lagnoviense: quibus accedat Monasterium ejusdem Ordinis in Alma Urbe nostra nuper erectum, cum sufficientes reditus, & aedificia necessaria arbitrio Congregationis Venerabilium Fratrum Nostrorum S. R. E. Cardinalium negotiis Propagandae Fidei praepositorum habuerit, Lectores idonei, & Scholares in his constituantur, qui studiis sedulo incumbant ad praescriptam Constitutionum dicti Ordinis.

Studio uno ab hostibus occupato aliud substituit.

§. 3. Porro si aliquid ex praedictis Monasteriis ab Haereticis, vel à Turcis occupatum fuerit, aut alio casu occurrente, non potuerint in eo studiorum curricula peragi, dilectus filius modernus, seu pro tempore existens Superior Generalis Ordinis praefati, cum beneplacito memoratae Congregationis Cardinalium, aliud vicinum substituat.

Ad Doctoratus gradum promoveri posse indulget.

§. 4. Ut autem eorum, qui studia peregerint, labores, debitis honoribus decorentur, praefato moderno, & pro tempore existenti Superiori Generali, fratres expressè professos dicti Ordinis peractis studiis hujusmodi, ad Magisterii, seu Doctoratus, aliosque gradus Scholasticos, dummodo tamen praevio rigoroso examine, ad id reperti fuerint idonei, per ipsum, vel si aliquo impedimento detentus fuerit, per alium, seu alios ad hoc idoneos, ab ipso delegandos, promovendi, seu promoveri, eisque solita graduum hujusmodi insignia, servatis aliàs servandis, conferendi, seu conferri faciendi, ita ut sic promoti, & graduati, omnibus, & singulis gratis, praerogativis, ac privilegiis fruantur, & gaudeant, quibus gaudent, & fruuntur, qui in publicis Universitatibus ad ipsosmet gradus promoti sunt, facultatem, auctoritate, & tenore praefatis concedimus, & impartimur.

Praelaturas nullum nisi

§. 5. Praeterea ut nemo deinceps ad Praelaturas & Officia dicti Ordinis, videlicet, ad Generalis,

Vicegeneralis, Definitoris, Secretarii, Procuratoris Generalis, Provincialis, & Superioris localis, munera assumi possit, qui non fuerit Doctor Sacrae Theologiae, nisi fortè Definitorium cum aliquo, vel aliquibus vitæ probatae Religiosis, justis de causis dispensaverit, dicta auctoritate harum serie decernimus. Hoc tamen decretum demum locum habere volumus, cum judicio Capituli Generalis Ordinis praefati, tot numero Doctores fuerint, qui possint omnibus Officiis Religionis sufficere. Interim verò, qui nunc Doctores sunt, & successu temporis erunt, cæteris praerantur.

Doctor obfinere posse decernit.

§. 6. Cæterum ne Doctorum numerus nimium augeatur, in proximo Capitulo generali ejusdem Ordinis, certus eorum numerus stabilietur, quem praeterire nefas sit.

Doctorum numerum statui mandata.

§. 7. Decernentes praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia, plenissime suffragari, & ab illis respectivè inviolabiliter observari.

Clausula praeservativa.

§. 8. Sicque in praemissis per quoscumque Judices Ordinarios, vel Delegatos etiam causarum Palatii Apostolici Auditores judicari, & definituri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Clausula subblata.

§. 9. Non obstantibus Constitutionibus, & Ordinationibus Apostolicis, ac quatenus opus sit dicti Ordinis, ejusque Provincialium, & Monasteriorum quorumcumque etiam juramento, confirmatione Apostolica, vel quavis firmitate alia roboratis, statutis, & consuetudinibus: privilegiis quoque indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus & singulis illorum tenores praesentibus pro plenè, & sufficienter expressis, ac de verbo ad verbum insertis habentes illis aliàs in suo robore permanentibus, ad praemissorum effectum hac vice dumtaxat specialiter, & expressè derogamus cæterisque contrariis quibuscumque.

Contrariis derogat.

§. 10. Volumus autem, ut earumdem praesentium literarum transumptis, seu exemplis etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides habeatur in judicio, & extra, quae haberetur ipsis praesentibus, si forent exhibitae, vel ostensae.

Transumptorum fides.

Datum Romae apud S. Mariam Majorem sub Annulo Piscatoris, die 3. Aprilis 1671. Pontificatus Nostri Anno Primo.

Dat. P. An. t. die 3. Apr.

Erectio Universitatis Studii generalis in Civitate Urbini.

XXXVI.

Simile erexit Studium in Civitate Ferrariae Bonifac. IX. ut videre est in ejus Constit. 2. In supremo, eique deinde privilegia concessit Clemens VIII. Constit. 94. Sanctae Romanae.

CLEMENS PAPA X.

Edita An. D. 1671.

Ad perpetuam rei memoriam.

Exordium.

Aeternae sapientiae consilio speculatores Domus Israel, quae est Sancta Dei Ecclesia, nullo licet meritorum nostrorum suffragio, constituti, excitandis, promovendisque bonarum literarum, & laudabilium disciplinarum studiis, quae Catholicae fidei, divinique cultus propagationis, & incremento, ac Justitiae administrationi, aliisque in publicum commodis magnopere conducibilia sunt, & depulsa ignorantiae caligine, mentes luce veritatis illustrant, peculiarem pastoralis muneris nostri sollicitudinem propensa charitate adhibemus, sicut omnibus maturae considerationis